

八瓊室金石補正

八瓊室金石補正卷一百五

男 繼輝校錄

太倉陸增祥撰

吳興劉承幹覆校

宋 二十四

幽巖畢孟陽等題名

高二尺九寸廣二尺五行行字  
不一字徑二寸六分正書左行

宋元豐元年四月廿二日邑令畢孟陽尉王岳巡檢

李宗况前江山丞劉誼遊

宋高山題刻在東安縣北一里余程幽巖記云有元

豐嘉定及元大德年號

湖南通志

右幽巖畢孟陽等題名在東安高山之幽巖第五  
洞永志職官畢孟陽於元豐元年任東安令與此  
正合王岳等名不見於志劉誼字宜父長興人說  
詳眞仙岩詩跋案幽巖在五峯崑西北一統志云  
幽巖自外達內凡九門門隔一洞極深遠明余瑾  
有幽巖記其略云初入門爲第一洞邃可十餘丈  
廣二丈高丈有咫有石倒懸叩之作鐘聲復有乳  
溜若楹每壁閒或平或凹迴旋之狀若流蘇低垂  
若構榱高架莫可悉記第二洞深廣減於前再折  
而西爲第三洞尙有初洞餘光無燭可履中有二

小石門互錯而通第四洞門甚低數步閒必鞠躬  
行四洞至五洞微有門廣僅五六尺深約五六丈  
儼然一委巷也傍記歲月遊人姓名殆徧有小竅  
如錢上通天光可辨五色又從小石門匍匐入  
第六洞豁然開朗有石鳳首尾畢具類雕刻作舒  
翼將飛之狀下有怒濤若被搏擊者上有石榻高  
陡未易登自三洞至此非燭不可其七洞至九洞  
緣淖湮門窄而返按壁閒所志歲月曰元豐曰嘉  
定曰大德或書九洞雖博望乘槎渡漢趣莫過是  
是知九洞最佳惜未一至也辛未八月譚仲維以

此拓本寄貽并述巖洞之奇妙與余程所言略同  
此刻蓋在第五洞也其嘉定閒所題未之見矣竊  
意七洞以內未必絕無古刻造物或留以有待邪  
人蹟罕至如仲維之探幽絕險者何可多得

慈恩寺塔題名八段

在咸甯

張瑒李諷等題名

存三行殘缺字徑三寸正書左行

張

炎

琳文李諷士規趙□

經臣趙

下缺

午夏

下缺

九成宮碑側有張瑒題名元豐閒所題此刻張下

所缺存右旁炎字蓋卽其人午夏當是元豐元年  
戊午也行閒有條山普祖四字李諷有興慶池禊  
宴詩其署銜云殿中丞知司錄參軍事

俞希及等題名

當在元豐間  
萃編已錄

刑此係喻房結銜內字  
在前行舉字之右

七日

此二字較小其上已  
缺在郎喻二字之右

萃編缺此三字補之此刻係左行萃編亦未細審

吳時等題名

七行存四行可辨行  
四字字徑四分正書

王 吳時信道章縵子上崇甯丙戌

□ □ □ □ □ □ □ □ □ □

右刻在俞希及題名下右方此上有葉文奉到四

字近人所刻吳時史有傳邛州人中第知華州鄭  
縣陸師閔幹秦蜀茶馬辟爲屬章粲欲薦爲御史  
力辭之除睦親宅教授提舉永興路學事徽宗時  
召爲工部員外郎改禮部兼辟雍司業此題正其  
提舉永興學時尙未內召也傳云字仲道此云信  
道知信讀作伸

李遷等題名

存兩行半行六字字  
徑六分許正書左行

李遷聖徒李思誨孝初趙番工□□□政和王

後缺

右刻在吳時題名下

都勉等題名

五行行十字字  
徑四分行書

都勉舜舉錦川劉  
茂陵馮林徵  
樊川  
孫  
徐

右刻在吳時李遷兩題名之左曼威已甚僅辨十  
六字耳

殘字三種附

君魯  
此二字在張  
琬題名之左

上州薛  
上新管  
存二行四字正書  
字徑寸許左行

來登此  
存二行三字字徑七分許正書  
此二刻在俞希及題名之右

右慈恩塔題名八段萃編未載者四而殘字不與



焉筠清館所載尙有元祐閒晉卿大觀丁亥王詠  
宣和五年宋光泰及吳立禮克禮同游四題名未  
得拓本族續補之又萃編所載張智周等一刻宜  
次於政和年閒張智周有草堂寺題名係政和元  
年十月所題並附議之

涪翁巖題刻四段

□晞顏題名

高一尺七寸五分廣一尺一寸  
三行行五字字徑三寸許正書

□□晞顏□□呂元豐初紀元伯□

鮮于端夫題名

高一尺五寸廣六寸三行行六七  
字字徑一寸五分許正書左行

□陵守鮮于端夫挈家遊此元豐己未八月二十日

盧武子題名

高二尺六寸廣二尺三寸六行行八字字徑二寸許正書

後五日盧武子既別親庭同

陳

逢孺范巨山西

楊秀之興竟甫

筆書石

張子野題記

高一尺四寸廣二尺二寸八行行字不一字徑寸六七分正書

九峯張子野侍親來紫崑仰聖偕行山空木梅

竹競秀之迹幽深不暮

一日

延慶觀鐘款

圓圍高大未詳題款兩截各五行行字不一字徑五分正書在南海

弟子林英捨錢一十五貫文足買銅一百斤 林仲和

捨四十斤 陳蓮捨五十斤陳富捨三十斤劉昇張敘

捨二十斤李琅二十斤 關惟迪陳亮郭二娘劉榮

高保龔湘鄭立新文惟亮各捨十斤譚提劉昇鄭政

張榮李養唐世安元六娘各捨五斤 會首陳文遇捨

錫二十五斤 此在後行之下截

廣州延慶觀東嶽行宮住持賜紫道士胡日新鑄造永

充

聖帝殿內供養元豐二年己未歲二月初六日謹題

匠人張周

龍洞韓鐸禱雨題名

高一尺七寸廣二尺五寸入行行  
入字字徑二寸許正書在厯城

元豐二年二月八日知齊州事韓鐸再奉朝旨以春旱  
禱雨 靈祠前潁州國練推官李毅歷城尉李景隆陪  
謁鐸題

男文炳文蔚文通文仲侍行

院主智全上石

劉守新刻

此在碑右

筠清館載龍洞題名九段此其一也

雉山曾布題名

高四尺六寸廣二尺九寸五分四行  
行六字字長徑六寸篆書在臨桂

南甞會布已未上巳盡室泛舟歷覽東觀岳允之勝遂

逕雉山

右刻粵西金石略未載但紀干支而不書建元以  
龍隱伏波疊綵水月諸岩洞題名證之知已未爲  
元豐二年

劉誼殘題名

高二尺二寸廣存一尺四寸二行行六字字徑四  
寸許正書左行又前存半行見三半字在臨桂

興劉誼  
宣父元豐二年□月初三日遊

右刻在臨桂未詳是何岩洞廣西通志載是年六

月三日曾布等疊采山題名與此相似惟志載初三日下爲同遊二字且云字徑寸許亦不言左行當是別一題也別錄之

玉華宮題刻二段

在宜君

蔣之奇詩

高三尺六寸六分廣一尺八寸八分正書十二行行廿六字結銜一行卅三字

留題坊州玉華宮

權發遣轉運副使公事兼勸農使朝奉郎尚書司勳  
員外郎上輕車都尉借紫蔣之奇

跨谷建殿閣擘山成闕門金碧舊帝宮香火今僧園文  
皇肇經構避暑每北轅赫然大龍入屹尔丹鳳騫當時

從行在干宮  
藹雲屯華胥夢一斷光景空崩奔  
豈獨粉黛假尙無石馬存浮休可寤歎  
豈不思旋元奘師釋門秀淨典於茲  
翻重燃大法炬朗照衆生昏龕巖塑像  
在神骨粹且溫換余挹元風渴仰祛冥  
煩安得七覺花一開遲鈍根

庚申正月十七日

穎叔題沙門道巖善

講心經

院主僧旡上石

承務郎行縣尉侯

教晟

承務郎守縣令全

載

書

中部陳玉刊

此在年  
月下方

唐書地理志玉華宮在坊州宜君縣北四里鳳凰  
谷貞觀二十年置永徽二年廢爲寺杜工部有詩  
宋中部縣主簿李元瑜刻於宮西之玉華寺此詩  
云豈獨粉黛假用杜詩况乃粉黛假也尙無石馬  
存用杜詩故物獨石馬也石馬無存李元瑜跋亦  
言之矣蔣之奇宏簡錄附蔣堂傳嘗爲淮東運副  
歷江西河北陝西所至卽損賦入以給公私用度  
擢江淮荆浙發運副使此詩殆行部經過所題庚  
申爲元豐三年也其結銜云兼勸農使尙書司勳



員外郎上輕車都尉史皆略之

胡宗回題記

五行行十一字字徑寸許正書微帶行筆

朝旨遍察所部盜賊自方渠慶陽定安徃入中部間關  
萬狀且將按郵時宜川膚施保安美元豐癸亥仲春望

晉陵胡官夫題

觀穎叔佳什慨然奉思

右刻在蔣之奇詩碑左方上角攷胡官夫名宗回  
常州晉陵人史有傳云用蔭登第歷編修敕令官  
司農寺幹當公事京西轉運判官提點刑獄京東  
陝西轉運使吏部郎中紹聖初以直龍圖閣知桂  
州進寶文閣待制坐繫平民降集賢殿修撰知隨

州改秦慶二州代孫路爲帥加直學士任伯雨疏  
劾奪職知蘄州其後又嘗知慶渭陳延瀘秦等州  
徙永興鄭州成德軍是宗回屢官於陝此題在元  
豐六年云遍察所部盜賊益爲提刑時也

醴泉銘碑側題名四段

王璞等題名

四行行六字字徑一寸  
許正書左行在中截

王璞弟琢同來觀九成遺址元豐庚申初夏日題

吳翬等題名

四行行字不齊字徑一寸  
五分許正書左行在上截

府幕吳翬令張觀尉鄭琳按視民田同觀此時元豐五

年歲次壬戌季秋月二十九日張觀題

巡檢史玠  
後至

張琚等題名

四行行入字字徑寸許正書在下載

府從事張琚邑佐鄭琳因檢視落河田土同覽九成遺

跡元豐癸亥仲冬八日琳誌

曾逢原題名

二行行字不齊字徑一寸三分跋三行行十字字徑五分均正書左行

曾逢原勢讀遊 紹聖二年十二月十九日

提舉常平曾公按部過麟遊留題於九成宮醴泉銘

石之右縣令李辟非命刊

曩輯金石續編據筠清館所載補綴全文茲檢拓

本知脫巡檢史玠後至六字益信蒐輯金石非得

墨本未可輕於載筆並認吳氏之書舛誤良多也

曾逢原一刻在右側其下有明嘉靖壬寅康天爵  
正德辛未師皋等二題附識之

釋迦成道記

高七尺五寸廣二尺八寸三十四行行六十四字字  
徑七分正書款額橫題釋迦成道記五字字徑三寸  
在歸安

釋迦如來成道記

太原王勃撰 勸緣知浴賜紫沙門 師尹 智聰

在前  
行下

觀夫釋迦如來之垂化也淨法界身本無出沒大悲願  
力示現受生泊乎堯率天宮爲護明菩薩降迦毗羅國

號一切義成金團天子選其家淨飯聖王爲其父玉象  
乘日示來於大術胎中金輪作王降誕於無優樹下現  
八十種隨形之妙好榮若芴花示三十二大士之相儀  
皎如圓月十方而各行七步九水而共沐一身現優曇  
花作師子吼言胎分之已盡早證常身爲度生以還來  
重垂化跡於是還羈襁褓示類嬰孩爲占相也悲暢於  
阿私陀仙往郊祠也驚起於大自在廟或爲童子或學  
聲明爲講武也箭塔箭井猶存爲捫力也象沒象坑仍  
在受慾樂於十歲現遊觀於四門樂沙門身狀老病死  
於是澡餅天子以警覺彰伎女之醜容淨居天子以捧

持躍車匿而嚴駕踰春城於八夜棲雪嶺於六年人辭  
愴戀主之心馬舐落連珠之淚揮寶刀而落紺髮塔起  
天宮將袞服以貿皮衣形參麋鹿扣林仙之所得了世  
定之非眞食麥食麻降苦降樂且夫瑤琴奏曲必自中  
而曲成佛果圓因亦假因而果滿由是擇其處也過龍  
窟沐其身也入連河示其食也受難陀之乳麋示其座  
也受吉祥之苑草以最後之聖體詣菩提之道場圓解  
脫之深因登金剛之凜座一百四十之功德不共二乘  
入萬四千之法門高超十地由是魔軍威懾於慈力愁  
怖旋歸媚女敗毒於定心熾羸變質於是堅牢地神踊

躍以作證虛空天子展轉而報知類蓮華而出水赫煥  
無方若桂月以懸空光明洞澈經七日受提衛之妙蜜  
誓以少小之身垂一音受賈客之戒歸賜與人天之福  
既成佛已觀所化緣悲二仙而不遇雷音喜五人而堪  
從佛化然以塵根昧劣聖智淵深順其纏則法不應根  
順其根則根無達法莫不爲愛河之所溺緣癡樂之所  
盲苟不利於當聞仍假言而入滅於是忉利帝釋雲駝  
於三十三天堪忍界王霧擁於一十八梵頭面作禮致  
敬精專請轉法輪勸隨宜說如來尋念善逝通規順古  
佛之佳謨應群機之鄙欲於是十方佛現同興讚美之

詞一法乘分共創塵勞之域由是起道樹詣鹿園三月  
調根五人得度橋陳如悟慈尊之首唱創解標名舍利  
弗逢馬勝以傳言於途見諦採菽氏繼踵以師事率門  
屬以同歸迦葉氏曇跡以降心領火徒而迴席莫不以  
甘露洪注末尼普熏天界人界鷲林鹿林或鷺池或鷺  
嶺或海甸或菴園或獼猴江或火龍窟或住波羅柰或  
居摩竭提或依堅守林或止音樂樹或海濱楞伽頂或  
山際補陀巖或迦蘭陀竹林或舍衛國金地或應念而  
空現或沒山而出宮或說法假於六方或變身而爲三  
尺或掌覆拍變或光流佛來或一身普集於多身或此



界便明於他界其間所說阿含四有般若八空密嚴華嚴佛藏地藏思益天之請問楞伽頂之悟心萬行首楞嚴一乘無量義大悲芬陀利燄炬陀羅尼無垢稱之說經湏達拏之瑞應本事本生之別諷誦重誦之殊象馬兔之三獸渡河羊鹿牛之三車出宅或謂之有守邊中也或謂之無轉照持也或謂之頃也漸也或謂之半也滿也無小而不大無邊而不中三乘同入一佛乘三性同歸一佛性真可謂父母孩孺導師嶮巖懸朗月於幽霄布慈航於幻海爲雲爲雨使枯槁以還滋爲救爲歸拊窮途於壽域於是所作已辦功成不居將返本以還

源類薪盡而火滅繇是指力地訖金河光流而門相驚  
塵刹山搖地動俱興苦痛之聲異類變容同現奢華之  
血受純陀之妙供納毗夜之眞言唱四德以顯三伊拍  
萬有而歸一性酬多羅迦葉四十二請問已周度須跋  
毗羅八十一化緣咸畢破十仙之橫計使獲朝聞建四  
塔之崇規遐分末葉將欲明有爲之有滅表無相之無  
生上昇金剛身往復虛空界日月猶其墜落螢光如何  
久留誠有常身使無放逸於是還登玉座首卧鶴林徧  
遊三昧之門將復一身之性逆入順入全超半超依四  
禪之等持湛三點之圓寂是時也天人叫躡鳥獸哀號

飄風驟雲山吼波逆按輪王之古式方俟葬儀命力士以捧持竟無能動由是金棺自舉繞拘尸之大城寶炬不然駐闇維之盛禮莫不未生怨在於王舍創結夢於十號慈尊大迦葉遂下鷄峯將盛禮於千輻輪且必以兜羅綴氎聖自火焚藝王衆旃檀之薪澍帝釋澡餅之冰彼願力猶在悲心尙薰碎金剛之勝身爲舍利之遺骨於是八國嚴衛四兵肅容各自捧於金壇競爭興於寶塔於是若牙若髮迦葉波禮於忉利天宮或炭或灰無憂王建於瞻部洲界若乃金言道在塵劫法存象王去而象子隨一燈滅而一燈續莫不大迦葉雲迎千衆

阿難隨雷吼三輪商那表定於未來邈多化籌而滿室  
始自壞梁之感終乎流乳之祥瓶器異而水必同燈點  
殊而光終一是以大乘之真空妙有文殊彌勒異其宗  
小乘而分毘析金上座大衆元其部或十支橫闡或千  
部鬱興或馬鳴龍樹繼其芳或無著天親播其美或提  
婆鑿眸而作器或陳那吼石以飛聲或百偈齊祛於外  
宗或十師翊贊於遺頌或聞經而夜昇梵率或待佛而  
窟寄脩羅或劒誓首以邀期或象駝金而請譯或賞能  
而食邑或得勝以建幢或論般若之理也名燈或究俱  
舍之非也名雹莫不殊途異轍終會一源自有及空皆

成萬德自商周見虹貫炎漢夢金人教及神州聲流華  
夏見聞盡爾宗致昭然蓋委遺文不復備而言也乃爲  
銘曰  
化起從本源功成應賢劫萬行顯真宗三  
祇積鴻業爲法出於世降靈示分脅眉橫天帝弓目帶  
青蓮葉仙師相垂淚地神驚捧接灌頂當在宮飛輪化  
彌帖宗乘天日貴象權師子類善教誰與傳抔彈獨豪  
俠遊觀驚老死踰城弃臣妾落髮親寶刀買衣遇群獵  
寄跡狎麋鹿苦身示羸怯食麋人盡知坐草魔方懾潔  
若蓮出水明逾鏡開匣山海類高深雲雷等詞捷三時  
教彌闡萬類根自愜四句聊欲酬十仙度相躡補處記

慈氏遺文囑迦葉卧樹徒載春香薪已焚氈悲心及綿  
遠舍利光暉煜獨感生後時餘波幸沾涉

沙門元耀書并題額

大宋元豐五年七月立石於湖州飛英寺浴院 管  
內都僧監賜紫永淇寺主賜紫清已副寺主賜紫道  
純 沙門曇潤用慈希顏精道子贊省中則端

住報本傳法沙門惠元 攝長史王賓弟子沈沃王  
宗簡朱紹宗莫仲雍徐舉莊椿魯詢杭梵忠欽郢吳  
眞傳諒欽琪徐覺傳選居震妻周六娘各施財開石

東海徐稷鑄字

在首  
行下

右碑在歸安縣飛英寺棲王子安釋迦成道記沙門  
奉爲圭壁當時所刻惟此僅存今則董文敏書爲續  
焰矣又武林紀事錢塘慧悟大師道誠居月輪山注  
王勃釋迦成道記丞相王隨守杭有詩贈之惜未有  
傳者智聰自題勸緣知浴者碑立于浴院也

兩浙金石志

兩浙金石志載此圓月之圓誤團二乘之二誤三  
緣癡樂之緣誤縉波羅柰之柰誤李嶮巖之巖誤  
嗽酬作醇三昧之昧誤味贍部洲之贍誤贍商邠  
陳邠之邠誤邠百偈之偈誤唱慈氏之慈誤爲悲  
心之心誤人

郭巨石室題名二段在肥城

楊景略等題名高不計四行行寬二寸七分字不等徑二寸許正書

左諫議大夫河南楊景略康功禮賓使太原王舜封長

民奉使高麗恭謁祠下元豐六年十二月廿七日

宋瓌等題名一行高二尺五寸三分寬同前正書

宋瓌李之儀王彥藩利仁

右郭巨石室題名二段此外尙有崇甯五年郭華一刻未得拓本案楊景略洛陽人見東坡詩元豐間以起居郎使高麗稱旨賜金紫擢中書舍人待制龍圖閣知揚州續通鑑長編云元豐六年承議



郎左司郎中楊景略爲高麗祭奠司此刻稱左諫  
議大夫知諸書所載不實也又徐競高麗圖經云  
元豐七年左諫議大夫楊景略爲祭奠使王舜封  
副之與此正合此刻封上所缺知爲王舜二字据  
以補注于旁其稱七年者到高麗之日也

少林寺王彥輔詩圖

高三尺二寸廣一尺上方題字入行行字  
不一字徑入分行書在登封少林寺鐘樓

鄒谿王彥輔過少林輒書四韻兼詒長老慶禾士

天入千崑碧林收曼古春靜中深有境嶮外絕無鄰宦  
牒嬰汗色禪閑脫世塵安心无覓處斷臂爲何人

承議郎巡舉牧馬旨元豐七年夏仲十有四日至

圖一馬 韓生筆 秦志刊

韓魏公祠堂記 元豐七年六月丙戌 辛編載卷一百世入

太半 太作 安撫使 安誤 奔作嘆 歎作 哉 作書 立石 均失

莫允熙重裝像龕題記

高一尺一寸廣一尺九寸入行行字 不等字徑八分末行字特大正書

當州城南廂化度寺前街南居住第子莫允熙同眷室

周氏三娘闔家等捨錢重裝塑三教泊龕室已伸完備

開光齋僧慶讚訖元豐七年甲子歲八月十五日住持

甲謹記

聖禪

□□

此四字較大

右刻未詳所在疑在蜀中當州宋羈縻州屬成都府路茂州也

孔聖手植檜贊

高四尺一寸五分廣一尺九寸六行行七字字徑二寸餘行書在曲阜孔廟同文門下

孔聖手植檜贊

宋太常博士米□

煒東皇養白日御元氣昭道一動化機

此檜植矯

龍恠

挺雄質二千年敵金石紕治

亂如一日百代

下□

圭璧

右刻舊在手植檜樹旁歲月既久再罹火災殘缺更

甚乾隆辛未孔中翰繼凍得襄陽墨蹟於華亭張文

敏家結體較小而風神骨格無異因重摹一石移舊

刻於同文門下山左金石志

齊山題刻十四段在地

傅燮等題名

高一尺七寸廣一尺八寸五行行字不一字徑二寸五分行書左行

傅燮志康蔣之奇穎元祐元年十月十三日同遊齊

山之上清巖

吳儀等題名

高一尺三寸廣二尺九行行五字字長徑二寸篆書

吳儀鵠漸趙不元德孚王彥純孝原吳樞君裕張諭君

俞楊公忭仲勉大觀四年閏八月廿日同至齊山趙寔

公發書

閻邱彥和題名

高一尺三寸上一行六字字徑一寸三分下年月雙行小注字徑五分正

書

閻邱彥和至此

宣和壬寅歲清明後一日

雙行小注

蔡揮等題名

高八寸廣三寸兩行字不一字徑一寸年月雙行小注正書左行

蔡揮何逢原范寅寅

紹興丁卯三月十一日

此二行字徑六

分在寅字之下

右刻在巖字之左丁卯為紹興十七年

向仲堪等題名

高一尺廣三寸兩行字不一字徑八分正書

向仲堪徐梓沈詠徐槩紹興戊辰閏八月二十九日同

游

右刻在寄字之右

鍾峯等題名

高一尺三寸五分廣二尺六分  
題字一行半字徑寸許正書

□□稱鍾峯祖美龜早無懼同游紹興戊辰

右刻在前題名之下

睢陽徐某題名

高七寸廣二寸八分三行  
行字不一字徑七分正書

睢陽徐□來游紹興戊寅二月庚戌□□□旦婿鮑

□待行

營邱子題名

高一尺一寸五分廣三寸兩  
行行字不一字徑寸許正書

因訪 隱靖故□而至此瀉熙甲辰四月幾望營邱子

右刻在備變題名之右

陳聖咨等題名

高二尺一寸一行廿一字字徑八分正書

陳聖咨奚公才范元義弟贊丁酉十一月十五日全進  
年月有干支而無紀元刻閻邱彥和蔡揮題名之  
左卽附於此以俟再考丁酉疑是淳熙四年

寄隱巖題榜

高三尺二寸一行三字字長徑一尺許篆書

寄隱巖

無書人姓名左右多紹興間題刻當在紹興以前  
惟不見年月仍列於後

朱子詩

高一尺八寸五分廣二尺一寸入行行入字字徑二寸餘正書

去歲蒲湘重九時滿城寒雨客思歸故山此日還佳節  
黃菊清尊更晚暉短髮無多休落帽長風不斷且吹衣  
相看下視人寰小祗合從今老翠微

朱晦庵

汪珊詩

高一尺八寸廣一尺七寸九行  
行十字字徑一寸五分正書

望望孤岑際叅差厯翠微拂塵摩古刻衝蘚振華衣霜  
冷水雲涸山晴嵐霧晞從容陪勝賞竟日擬停驂使節  
臨郊野榮光照草堂幡搖雲樹影袍拂洞天香小澗潄  
欹□殘鴉□夕陽願言宣雅調寒谷發幽芳

御史貴池汪珊

華岳詩

高二尺三寸廣一尺四寸五行  
行十字字徑一寸五分正書



寺覺重遊好僧期後會  
賒青蟲凋病葉白鳥篆平沙水  
瘦石生齒山寒梅未花  
功名今不待且謁惠公茶

宋狀元華岳

包拯題字

高五尺四寸廣三尺二寸兩字字徑三尺許旁款六字字徑二寸許正書

齊山

宋刺史包拯書

右兩種皆後代所刻

惠因院教藏記

高五尺二寸廣三尺十六行行四十字立石書篆銜名三行行字不一字徑九分正書篆額四行存因賢教記四字在紹興府學

大宋杭州惠因院賢首教藏記

資政殿學士太中大夫蒲公鎮錢唐之明年政成民樂  
春正月請晉水淨源闍黎住持南山惠因道場又施金  
立賢首華梵七祖之像設帳座而祠焉轉運使許懋孫  
昌齡同繪善財童子叅善知識五十四軸并供具三十

事通判軍州事朝散郎李孝先姚舜諸共置經函六百

餘枚高麗國祐世僧統義天聆芳咀潤禮旦承教印造

經論疏鈔摠七千三百餘帙莊嚴壯麗金碧相輝其弟

子希仲等欲光昭偉蹟以文見屬因語之曰昔者無上

法王出現於世以空化執以福利化欲以緣業化妄以

地獄化愚故五蘊九識十八界膠固循環回復於生老

病死乏中者咸歸度門至於妙用無遮真空無體本源  
清淨覺照圓明卽華嚴海會稱性極談無大無小同證  
菩提恢恢焉炳炳焉不可得而思議也泉乎猷仁滅而  
法網散宗途異而諍辯興馬鳴菩薩乃造起信論發明  
大乘以摧邪說龍勝得之開章釋義又入龍宮誦華嚴  
以傳于世帝心尊者應跡終南挾論集觀以授雲華于  
時機感尙微法雷未振於是賢首菩薩統一心宏五教  
大明旣升燭火斯息大雨普注群物咸潤清涼宣慧二  
大士又從而演之通之如貫意珠圓融無盡噫去聖益  
遠精義漸隱源公以超悟浩博之才力扶祖訓集注大

經著述疏記無慮數十萬言始建教藏于蘇之報恩法  
華秀之密印寶閣普照善住今惠因虛席又偶當世明  
公相與協力而興之闡揚尤盛學者如歸隨根器破疑  
惑能脫纏縛者入正解悟本覺離我人相者比比有之  
宜乎名流天下化行東表俾世之言佛法者知賢首之  
爲匹宗刻之金石無愧辭矣元祐元年十二月十八日  
朝散大夫提舉杭州洞霄宮護軍吳興縣開國男食邑  
三百戶賜紫金魚袋章衡記

承事郎監杭州都酒務兼權市舶司唐之  
問書

奉議郎簽書昭慶軍節度判官廳公事賜

緋魚袋文勛篆額

資政殿學士太中大夫知杭州軍州事兼管內勸農使  
充兩浙西路兵馬鈐轄兼提舉本路兵馬巡檢公事輕  
車都尉河東郡開國侯食邑一千六百戶食實封壹百  
戶蒲宗孟立石

右碑在紹興府學二門北向是碑舊在杭州西湖慧  
因院卽今之高麗寺也石工移其石移至越中今碑  
陰刻順治十年脩紹興府學記又西湖集慶寺前亦  
有一碑半埋土中錢辛楣詹事語何夢華爲掘出之

文與此同惟字體甚劣碑額又作正書不知當日何以刻此兩碑也兩碑皆有缺字今參校補全撰文者章衡字子平浦城人嘉祐二年進士第一本傳載元祐中歷秀襄河陽曹蘇州加集賢院學士復以待制知揚廬宣穎州此碑系銜朝散大夫提舉洞霄宮護軍開國男皆史所略也唐之問文勛皆無攷勛簽書昭慶軍節度判官廳公事此避英宗諱改簽署爲簽書爾蒲宗孟閬州人元豐八年七月以大中大夫資政殿學士知杭州嘗集錢唐詩自宋齊以來至元豐閒凡三千餘篇爲三十卷行於世元祐二年十一月

徙知鄆州見咸淳臨安志

兩浙金石志

按惠因院在錢唐之赤山吳越錢氏所建乾隆廿二年  
南巡改法雲寺者也西湖高僧事略載淨

源字伯長姓楊氏泉之晉江人蒲宗孟守杭尊其道  
奏以惠因易禪爲教命源居之臨安志元豐八年高  
麗國王子僧統義天入貢因請從淨源法師學賢首  
教詔許之遂竟其學以歸元祐二年以金書晉譯華  
嚴四十卷唐則天時譯八十卷德宗朝譯四十卷共  
三部附海舟捨入院則已在作記後矣賢首宗教以  
唐僧杜順爲始祖智儼爲二祖法藏爲三祖澄觀爲

四祖宗密爲五祖合以西土馬鳴龍樹一作二尊者

龍勝

是爲華嚴七祖杜順卽記所謂帝心智儼卽雲華法  
藏卽賢首澄觀卽清涼宗密卽定慧也章衡字子平  
後於紹聖元年知越州蒲宗孟字傳正閬州新井人  
宋史俱有傳文勛字安國廬江人精於篆書蘇東坡  
爲作篆銘頗推重之

越中金  
石記

碑有二一在西湖集慶寺正額潛研堂金石目錄  
所載者是也此碑在紹興篆額訪碑錄記載互易  
矣阮氏太中作大中馬鳴作馬鳴誤壹百戶作一  
亦非



唐懷素聖母帖

高二尺一寸廣四尺五分二截共五十三行  
石年月一行篆書又題名五行正書左行行字均不  
一在西  
安府學

唐釋懷素書

聖母聞

□

祥案似俞字

至

舊釋作主

□

似言字

疾

□

祥案似亢字

釋

遂

奉上清之教旋登列聖之位仙階崇者靈威遠豐功邁  
者神應速乃有真人劉君擁節乘麟降于庭內劉君名  
綱貴真也以聖母道應寶錄才合上仙授之秘府餌以  
珍藥遂神儀爽變膚骼纖妍脫異俗流鄙遠塵愛杜氏  
初怒責我婦禮聖母憭然不經聽慮久之生訟至于幽

園拘同美里條

□霓裳仙駕降空卿

□似雲臨戶顧名

二女踐虛同升旭日初照聳身直上旌幢彩煥輝耀莫

倫異樂殊香

□似沒

空方

□似亦字祥案疑是品

康帝以為中興

之瑞詔於其所置仙宮觀慶殊祥也因号曰東陵聖母

家於廣陵仙于東土曰東陵焉二女俱

舊釋作從

升曰聖母

焉遼字既崇真儀麗設

舊釋云似復字

遠近歸赴傾而江淮水

旱札瘥無不禱請神貺昭荅人用大康姦盜之徒或未

引

似是

咎則有青

舊釋作鳥

禽翔其廬上靈徵既降罪必斯

獲閭井之閒無隱慝焉自晉

舊釋作昔

暨隨年將三百都鄙

精奉重徒奔屬及煬帝東遷運終多忌苛禁道侶元元

九聖丕承慕揚至道真宮秘府岡不

似佳字

建況靈

縱可□道化在人雖蕪翳荒頽

字畫有訛缺

而奠禱雲集棟

宇未復耆艾銜悲誰其興之粵因碩德從叔父淮南節

度觀察使禮部尙書

監軍使太原郭公道冠方隅

勲崇南服淮沂既□□作而不朽存乎頌聲

貞元九年歲□癸酉已月

缺

元祐戊辰仲春模勒上石

此行篆書

左拾遺裴休

試大理評事柳乘

鄉貢進士柳槃

大和四年十月十二日同登

藏真此書殊合作授袞像爽等字雜章草法彌足愛

也

東觀  
餘論

此帖輕逸圓轉幾貫王氏之壘而拔其赤幟矣亦元祐年刻刻手極佳與藏真律公俱不失素師筆意

石壘

集  
華

唐懷素聖母帖貞元九年書元祐戊辰上石所記述者亦謝自然之流而稱聖母殊爲可笑素書輕逸圓轉直似張伯英黃長睿所謂授裳像爽等字雜章草法者卽是書也

金石  
續錄

聖母者晉康帝時人其得建號東陵聖母者以其主食江淮故也禹貢導江過九江至于東陵漢書地理

志廬江郡金蘭西北有東陵鄉是也王松年仙苑編珠曰聖母杜氏妻也學劉綱妻坐在立亡杜氏不信誣以姦淫告官付獄聖母入獄卽從窗中飛出入雲中而去與帖所云正合聖母自晉迄隋無不崇奉至唐尤甚此帖書于德宗時文稱皇從叔父淮南節度觀察使禮部尙書太原郡公而不署名蓋指建立祠宇之人察其文義當在廣陵郡地帖蓋宋時以墨本摹刻者後有柳乘柳槃裴休同登題名

關中金石記

右聖母帖不著撰人姓名相傳以爲僧懷素書攷宣和書譜云懷素長沙人俗姓錢故自敘帖稱司勳員

外郎吳興錢起爲叔父此帖有從叔父淮南節度觀察使禮部尙書雖不書名以史證之則是杜祁公佑也錢與杜不同宗疑非藏真所書如果出於藏真則撰文必別是一人矣或以爲皇從叔父驗石刻無皇

字

潛研堂跋尾

此帖第一行下數字及十六行霓字上空一格十七行雲字十八行虛字上半字俱有殘缺其餘筆畫亦有傳模失真之處頗難審讀前輩未有釋文予細加辨識尙有十餘字未敢遽信姑從闕疑文中叙東陵聖母四字之義謂聖母家於廣陵仙於東土曰東陵

馬二女從升曰聖母焉畢尙書引禹貢漢志以證東陵二字似非其義又謂文稱皇從叔父今審從上並無皇字錢少詹已正之矣至郡公之郡與素師書千文中郡字不同以艸法攷之疑是郭字郭氏望出太原則讀爲太原郭公義亦可通要之此刻艸書出自素師其文必非素師所作也文有元元九聖云云乃指開元中立元元皇帝廟事又自太宗至德宗貞元時共九世故云九聖也帖後但有勒石年月而無姓名疑亦出於游景叔輩所爲其後又有大和四年裴休等題名而云同登則必是登臨游覽題記而非此

帖之題跋矣蓋好事者從他處轉摹入石也文中神  
儀之儀黃伯思作像非是又明宏治二年晉世子所  
刻寶賢堂帖第十卷懷素書有此帖其缺處悉同似  
出一本閒者軒帖攷謂寶賢堂帖以閣絳大觀寶晉  
爲主而益以所藏宋元明人墨蹟則此帖或宋帖中  
亦曾刻之今不可攷矣

古泉山館  
金石文編

永州綠天菴亦有此帖近今以此本鉤撫者又有  
自敘帖千字文論書帖杜工部秋興詩李太白贈  
歌皆近人所爲悉置勿錄

安武軍節度郝質妻朱氏墓誌



方二尺九寸世九行行四十字字  
徑四分餘行書在洛陽存古閣

宋故殿前都指揮使安武軍節度使贈太師追封永國  
公謚武莊郝公夫人京兆郡夫人進封太夫人朱氏墓  
誌銘并序

前鄂州武昌縣令李嬰謨并書

夫人姓朱氏世籍京師父以材勇隸于軍年十五歸郝  
氏郝氏尙微 夫人侃然有立動必敬順如御大家蘋  
蘩甘旨以身自任識者以 夫人之賢卜知郝氏必大  
興起 夫人之夫爲誰 故殿前指揮使安武軍節度  
使贈太師追封永國公謚武莊諱質字景純者也 武

莊自行伍中峻擢橫飛控扼邊要戰守皆有功大臣爭薦天子注意督衛輦輿晝夜匪懈朝廷常倚以爲重天下常望以爲安身先率下人樂爲用使士大夫亦想其風采者實夫人內助之力焉不然何詩於召南首推鵲巢夫人起家之道哉武莊亦知夫人之於已非小補也每自恃以甯及貴遂以恩例奏夫人之弟曰達者補三班奉職示有報也武莊公有弟亦寒素始爲小官卽出俸餘資給之至薨如一日夫人待之尤厚於武莊嗚呼夫人與武莊皆孟子所謂善推其所爲者歟夫人天資純儉雖貴衣不華

藻食不豐羨及夫撫養諸孤周人之急則視財貨如草芥捨欲從義厚於人而薄於己可謂仁歟事母尤篤躬省起居□幾三十□□故不離其側有疾手操藥訊護疾革且卒猶以口接其氣時餘一藥未進終身念之爲恨可謂孝歟武莊公位益崇祿益厚侍妾益多歌舞滿前夫人晝夜相與燕笑於其閒惟恐失武莊之歡旣不妬忌又能順適可謂惠歟自武莊初受爵命至爲公侯與夫身之官封邑數衍地隆子孫之被寵光月遷歲拔未嘗有喜色或忤其意雖怒不遷可謂賢歟凡教子孫男則以義方女則以正順上下肅離中外爲

憲可謂智歟若夫敬修梵行深心回嚮持誦經律手不  
釋卷屏輦惡殺得大情淨慈悲解脫之果超然不以世  
故爲累此又凡情之所不能窺測者也雖然當武莊  
之盛時收濟親屬費甚繁夫人又從而敬愛之不知  
者猶以夫人爲不得已而僞作之也及武莊公薨  
夫人旣專家政倍自黽勉於所敬者益勤於所愛者  
益厚十年之間無小渝變然後知夫人之德發於情  
而成於性也故遠近之族三百餘口無有失所其稱頌  
歌美如出一心元祐三年九月初六日以疾薨于京師  
之第其邑命自武莊公陞朝始有一縣公日顯大累

至京兆郡夫人 公薨諸子陞朝進封太夫人享年七十有五平居未嘗輒病噫 夫人富貴壽康亦至矣復多男子天之於 夫人較其德而錫之福使人可無憾焉子男五人惟立西京左藏庫副使兼閣門通事舍人勾當軍頭引見司惟京東頭供奉官早亡贈率府率惟序內殿承制專一勾當天源河調節入內水勢惟幾崇儀使涇原路第六將惟賢東頭供奉官女四人長適職方員外郎張翻次適奉議郎董遵次適西頭供奉官孟固次適東頭供奉官賈祺孫男一十二人珣西頭供奉官延州兵馬監押璋宣義郎知吉州永豐縣事賜緋魚

袋珪內殿承制涇原路第五副將琬右侍禁東八作司  
監修勾當琪右侍禁早亡珪左侍禁東八作司監修勾  
當琚西頭供奉官監華州鑄錢監琳右侍禁新差監鄭  
州鹽稅瑜左侍禁新差監北京東壁城壕璘瑋璠皆幼  
未仕女一十六人長適內殿承制石舜賓次適內殿承  
制吳仲述次適河中府司理參軍栢翔次適 皇叔右  
千牛衛將軍仲麗次適勅賜同進士出身陳當可餘並  
幼曾孫男一十六人女一十八人是年十一月初七日  
葬于河南府河清縣賢相鄉陶牙村祔 武莊公禮也  
將葬其諸子以予有舊熟聞 夫人之平生哀號請銘

義不獲辭乃銘曰

驕奢非性 富貴使然 士而免此 古稱其賢

美哉夫人 德操自全 蘋蘩甘旨 必時必虔

賑孤給窮 恩不少偏 爾妾爾媵 涵容若淵

修飭梵行 震驚龍天 屏輦惡殺 覺性妙圓

烈烈武莊 霍衛比肩 禦侮西北 忠力昱宣

實我內助 俾其慮專 教子以義 如出陶埏

咸處要職 曾無怠愆 孫及曾孫 誥誥滿前

家有常訓 惟其克傳 高門餘慶 奕奕綿綿

夫人令譽 國有簡編 斯文之設 聊告九泉

右郝質妻朱氏誌在洛陽存古閣攷郝質史有傳  
介休人傳云英宗進武昌軍節度觀察留後安德  
軍節度使入授殿前副指揮使神宗易節度慶武  
軍爲都指揮使卒贈侍中諡武莊誌云安武軍節  
度使贈太師追封永國公與史不符當是史之闕  
謫傳云少從軍挽彊第一充殿前行門換供奉官  
爲府州駐泊都監主管麟府軍馬卽誌所稱自行  
伍中峻擢橫飛也傳云道逢夏騎數千寇鈔質先  
驅力戰獲人馬數百又出行邊至柏谷遇敵禦之  
於寒嶺下轉鬪逐北遂修復甯遠諸柵以拒賊衝



卽誌所稱控扼邊要戰守皆有功也傳云宣撫杜衍安撫明鎬條上其狀超遷內殿承制并代路都監賈昌朝又薦爲路鈐轄使卽誌所稱大臣爭薦也傳云龍神衛捧曰天武都指揮使馬軍殿前都虞候及殿前副指揮使都指揮使卽誌所稱督衛輦輿也傳末述其軼事云在并州與朝士董熙善約爲婚姻熙死家貧無依竟以女歸董氏誌敘夫人之女云次適董遵道當卽熙之子也誌書隸作隸俗誤屢用敬字不避何邪

度人經變相題字

裝本高廣無攷跋五行  
行字大小不一正書

經文不錄

予家舊藏唐閻立本畫靈寶度人經變楮遂良題字惜  
其歲久湮滅將失永傳獨字畫僅可刻以貽好事云元  
祐戊辰仲冬韓城范正思記

度人經變相題字殘缺以楮登善書故爲宋人寶惜  
而刻之余所見舊本齟本多矣無如此刻精好者真  
元祐初本也標題是文休承筆休承書家善鑒收藏  
家重之裝置冊尾以爲信云萬厯戊子春正月世懋  
識

右度人經變相題字相傳爲褚河南書玉石本也  
宋元祐間范正思刻石正思文正之孫純仁之次  
子史附見其兄正平傳字子默潛巖有其題名戊  
辰爲元祐三年後有王麟洲跋語一則又有崇禎  
壬午夏四月馮硯祥藏魏學廉觀一行及方亨咸  
程邑兩題語石刻殘缺存六百四十八字字徑二  
三分不等筆意酷肖小麻姑仙壇記梓鄉故物欣  
遇他邦亟以二萬錢易之跋語內變下當有相字  
疑脫誤